

涇陽縣志卷之二

劉璜

王淵

邑令王際有纂修

邑庠生劉良股全校

師維會

牛光襄

建置志

井疆既定營繕以時每視當事為盛衰焉有城池以守禦有縣署以蒞治次之倉局為儲蓄之所屬廨為

涇陽縣志

卷之二

一

贊襄之資學校所以董生儒院司所以止輜軒而演武振威有場養濟宣仁有院至祠廟壇壝寺院宮觀以修祈報樓閣臺池陵墓古蹟以佐登臨乃若立舖遞而速郵傳設津梁而通道路鄉里則農桑攸居市鎮則有無互易社學家絃戶誦之所興也堡寨出入守望之所倚也若此者守土不起而維新之將遂棄置於榛莽故壞者葺隘者廣嚴嚴翼翼有紀有條而上不病官下不病民斯可無媿已作建置志第一

城池

土城後秦符堅創築其制無考元至正二十七年張  
思道令右丞魏文佐守禦修築城高三丈五尺池深  
七尺東西一里二百四十步南北一里四十步周圍  
三里二十步明景泰元年知縣曾玉重修建東西二  
門東曰宣文西曰寧武成化間巡撫右都御史余子  
俊增闢南北二門南曰臨川北曰拱辰嘉靖二十六  
年增東西郭崇禎四年城圯知縣梁士淳重修八年  
知縣王瑄增修北門甕城

皇清康熙九年知縣王際有重修南門城樓及窩舖

涇陽縣志

卷之二

二

縣署

縣治在南門大街盡處折而東百步許署不知創之  
誰氏元大德間集賢學士蕭𣪠重修明弘治間知縣  
宋鑑重修嘉靖間知縣屈諫起大門爲重樓崇禎間  
知縣高去奢以陰陽家言稍抑焉縣堂東爲縣丞公  
署又東之南典史公署也舊主簿公署在縣堂西今  
簿裁署廢縣治西舊有申明亭旌善亭今俱廢  
知縣王際  
有聯云庶富已非昔日財虛力竭猶然嗚曰繁華居  
斯地者能不其難其慎衝疲無若今時東往西來每  
至艱於應接救是民  
者宜思克儉克勤

倉局

預備倉在惠果寺東知縣翟廷楠增修之視舊宏麗倉後故草廩也併入倉內

稅課局在鍾樓街東惠果寺前左建自洪武初嘉靖間以稅少廢

屬解

陰陽學在縣治後偏東北向今廢

醫學在陰陽學左今廢

僧會司在惠果寺內

涇陽縣志

卷之二

三

道會司在北極宮內

學校

儒學在南門西前與文廟連東抵街西抵射圃後民居門乃東出學址故促明倫堂後卽敬一亭亭後僅數仞知縣朱友達拓之建尊經閣然卑陋知縣傅好禮又拓而增繕焉崇禎五年知縣梁士淳重修

皇清順治五年知縣張應召重修教諭公署在明倫堂西訓導公署二在教諭署南訓導奉裁署隨廢

院司

西察院在縣治西故元屯田總管府故明按察分司也

東察院在縣治東五十步許故明布政分司

北察院在惠果寺西與城隍廟鄰乃故廣盈倉嘉靖間鍾岱改修者

南司在縣治街南與縣左直乃道府公署明末時廢爲馬廐

水司在洪口古洪門監也故有水利僉事一員駐節督水中門外東府衙西縣衙則管水府同知及縣主

涇陽縣志

卷之二

四

簿治今廢

演武

教場在城南外偏東三里許今傾廢

養濟

孤貧院在城隍廟西知縣暢亨建知縣王際有重修漏澤園在城南外三里

祠廟

文廟在儒學前逼城明嘉靖間地震城圯知縣鍾岱拓其前址修之爲半規狀萬曆四年知縣傅好禮又

鑿其南傍城處爲池引泮水環而注之崇禎五年知縣梁士淳重修

皇清順治五年知縣張應召重修有碑記見藝文知縣王際有聯云西

方會有美人東家繼以至聖千萬載教化鍾鼓猶然文武成康之地生煎轍環未到沒後常新百二重關河擁護車戎鐵騎盡是詩書禮樂之鄉

啟聖祠在儒學右射圃前教諭鞏我門修康熙戊子辦事西安府判福清張民重修

名宦祠在樞星門內東廡

鄉賢祠在樞星門內西廡

文昌祠在儒學門街東稍北

涇陽縣志

卷之二

五

城隍廟在安德北街盡處

八蜡廟在東郭門外

東嶽廟在城東北外有碑記見藝文

關帝廟在惠果寺西巷稍北知縣王際有聯云正氣常存浩浩涇流同照楚

湘江上月遺容如見峩峩仲岳平臨巴蜀峽中雲

鄭國廟在洪口

唐德宗廟在峩山

唐宣宗廟在其陵前

鄧太尉廟在南賈村

汾陽王廟在東門內

暢公祠在長街鎮後

魏恭襄祠在文昌祠右

右祠廟或載祀典或有功德於民故書其餘姑闕

之

壇壝

風雲雷雨壇在城南門外東

社稷壇在西郭門外東西二丈五尺南北二丈五尺

高三尺

涇陽縣志

卷之二

厲壇舊在城外西北金劉街明末移城東北東嶽廟

左

寺觀

惠果寺在縣治西北內有尊勝幢二唐人書金剛經

陀羅尼經

北極宮在縣治西北內有金大定間鐵醮盆一銘書

俱佳

盆銘與碑記見藝文

文塔寺在縣東南一十里其塔為邑巨觀李敏肅公

建

有詩賦見藝文

洪福寺在縣東關

觀音寺在縣東三里

天澄寺在縣東二十里

福嚴寺在縣東北三十里

寶峯寺在縣北三里

福聖寺在縣北二十里

大安寺在縣西北三十里

法相寺在縣北三十里宋令王康朝題詩於壁詩見藝文

清涼寺在縣西北四十里有詩見藝文

涇陽縣志

卷之二

七

海角寺在縣西北四十里內有石幢唐人書彌陀經

興國寺在縣西五十里

貓樹庵在縣東北三十里真人張夢乾飛昇于此有碑

記見藝文

藥王洞又名漢頭洞在縣北七里知縣王際有聯云民間疾苦幾何飲

之食之宜從仙子尋丹訣世上膏肓萬狀名也利也何似山頭多白雲

邑中寺觀繁多不能悉載止記其奉勅建有古蹟

者

樓閣

魁星樓在文廟前東南城上知縣王際有重修有詩與碑  
記見藝文知縣王際有聯云仰斗天垂象樓峙百尋  
俾城郭不拘文氣憑毫士夢花窻開四面放山河盡  
入胸懷

文昌閣一在縣內本祠門首知縣王際有重修一在  
雲陽南門外竹梧院今頽廢

鍾樓在惠果寺前明崇禎十二年知縣高去奢重修  
鼓樓卽縣治大門樓

四明樓在東察院大街左

毘盧閣在石橋鎮東大安寺

涇陽縣志

卷之二

陵墓

漢高祖長陵在畢原北與縣直本咸陽境也以近縣

縣祀之故書有詩見藝文

唐德宗崇陵在差峩山

唐宣宗貞陵縣所祀陵也在仲山有宮今不存

漢宣巨公墓在雲陽鎮舊志有墓無祠及考雲陽志  
又有祠無墓未知孰是

漢第五司空倫墓清谷口北有第五村倫墓在焉

李陵母墓在仙法村有碑誌



夏候淵墓在雲陽鎮西南蔣村舊志云本縣人或云夏候勝墓

齊國夫人墓俗呼爲阿姑塚在雲陽鎮南西鍾村其詳莫考

唐駙馬蕭銑墓近雲陽不詳所在蕭何從兄弟八代孫

唐李衛公靖墓在孟店鎮

有詩見藝文

元趙潞公墓在西城原潞國忠簡公趙弼也

元趙宣慰惟明墓在潞公墓南

涇陽縣志

卷之二

九

元王中書墓在西城原贈行中書省參政王斌也

元楊宣慰墓楊勝四川宣慰在縣北石村

明尙書李昶墓在龍灣東北原上

明尙書恭襄魏學會墓在龍灣原上

明尙書敏肅李世達墓在大柳村彌陀寺前

明尙書胡嘉謨墓在姚方村東北

明宮保劉四科墓在王二高鎮西原下

明冢宰張問達墓在南馬里宋堡東北

明尙書牛應元墓在延壽宮西南

明光祿鄉王豫立墓在姚方里曹家村西  
明論德韓文煥墓在南馬里  
明中丞雒遵墓在管西村北

古蹟

雲陽縣有二一在文川仙法村今亡一在縣北三十里今雲陽鎮是也鎮東有舊城趾蓋其初置甘泉山前在淳化縣後徙仙法村再徙今處

胡城縣舊志在縣西南二里今其地無跡考古諸地志固無此縣

涇陽縣志

卷之二

十

漢故城縣舊志曰疑卽故雲陽縣夫故雲陽一耳旣云在仙法村豈容重出此所指必故縣村昔以爲池陽縣者也池陽或作沈陽

鼎州城唐天授間拆雲陽縣置鼎州尋廢在今長街鎮

迎冬城又爲迎冬驛在廣吉鄉十道志曰舊池陽縣城俗名迎冬城中有尹吉甫碑後爲驛今廢

孟店鎮在雲陽東北二十里故傳唐李靖屯軍所  
漢池陽宮漢宣帝甘露二年上自甘泉宿池陽宮卽

長安志云在縣西北八里舊志云在縣西北三十里爲說不一大抵以谷口有甘泉道在西北故也然長老往往言漢時從崑山東幸甘泉今縣東北多有稱御道所恐前說皆誤耳

有詩見藝文

殿下橋在崑山前冶谷河北岸上漢時有殿武帝幸其泉嘗宿於此今按其地東北通崑山下稱御道所而西南遠長平坂亦便西視谷口反不順信乎漢時幸其泉道在崑山東而謂谷口車箱坂爲馳道者誤矣

涇陽縣志

卷之二

十一

洪門監掌涇渠事者在瓠口今有河渠行司遺址舊志又有洪池監或訛而重出耳

折衝府舊志云不詳所在又有水行府仲山府今俱亡

山寨在仲山巔涇水遶其下可屯兵金國安撫司所也

智慈寨唐宦者曹智慈禦黃巢寨也在西城原北臨冶水與長街鎮且有遺趾存

溫韜寨在百頃原後梁開平間華原賊帥溫韜據以

爲亂者

赫連臺故傳赫連勃勃駐兵所也在橋底鎮東有遺趾

柳毅傳書臺在縣南五里今名柳家街者是尙有臺

址有傳見藝文

瀛洲臺在縣東南二十里俗呼爲甫下傍南原有臺垣故址東西相向斷礎猶存故老相傳唐十八學士所遊瀛洲也每當春初綠莎翠茵萋迷交映故涇陽八景一曰瀛洲春草其他則龍陂叢綠臨江飛練畦

涇陽縣志

卷之二

十二

城古渡巖巖靈雲谷口晚烟文川秀色仲山晴嵐合而爲八也其地各載山川中有詩見藝文

舖遞

總舖在縣城內

居智舖去縣北一十里

雲陽舖去縣北三十里

長街舖去縣北四十五里

台峪舖去縣西北六十里

畦城舖去縣西南一十里

永樂舖去縣東二十里

党家橋舖去縣東北二十五里

宋村舖去縣東南三十里

廣張舖夏村舖久廢

### 津梁

狄道渡在縣西北六十里路通乾州

臨涇渡在縣西三十里路通醴泉

駐城渡在縣西南十里路通咸陽

龍池渡在縣南十里路通長安

### 涇陽縣志

#### 卷之二

宋村渡在縣東南三十里路通臨潼

百光渡 寧甘渡 涇甘渡 張茹渡 郭渡

劉洪渡 孫渡 以上七渡見舊志今廢

殿下橋在縣東北三十里漢武帝幸甘泉宮嘗宿於

此其時有殿宇故名

清河橋在縣東北三十里靖川水上

魯橋在縣東北四十里俗傳魯班修因名

王橋在縣西北五十里

符家橋自有白渠卽有此橋但舊以木爲之弘治初

居人符琚捐資而斃以石因名符家橋

鄉里

宜善鄉 在縣西南管七里

永豐里 在城內 縣西里 在城內 關北 大訓里 在縣西南五里 東雷里

在縣西南 西雷里 在縣西南 南馬里 在縣西南 北趙里

在縣西 三十里

廣吉鄉 在縣東北管六里

敬義里 在城內 縣東里 在城內 永樂里 在縣東 廣張里 在

東北 侯張里 在縣東北 夏村里 在縣東北

涇陽縣志 卷之二

臨涇鄉 在縣西北管六里

千夫里 在縣西 李方里 在縣西 張白里 在縣西北

石橋里 在縣西北 北雷里 在縣西北 中張里 在縣西北

五里

溫豐鄉 在縣東北管五里

大石里 在縣北 盈村里 在縣東北 管村里 在縣東北

孟店里 在縣東北 馮王里 在縣北

甘延鄉 在縣北管五里

河下里 在縣北 甘澤里 在縣北 辛管里 在縣北

鄉里 在縣北二十里 其張里 在縣北二十里

清流鄉 在縣北管五里

成村里 在縣北五里 招義里 在縣北二十里 茹王里 在縣北三十里 居智

里 在縣北二十里 雲孟里 在縣北二十五里

金龜鄉 在縣北五十里管五里

西鄉里 在縣西北五十里 范村里 在縣西北三十五里 台峪里 在縣西北五十里

北峪里 在縣西北四十里 百谷里 在縣西北四十里

瑞寧鄉 在縣東南管五里

南吳里 在縣東南三十里 包方里 在縣東南五里 姚方里 在縣東南一十里

涇陽縣志 卷之二 十五

孫村里 在縣東南一十五里 賈村里 在縣東南二十里

右據舊志各書鄉里數罹兵燹室廬多焚非復當年繡錯之區矣為催科抑為撫字牧民者念之

市鎮

雲陽鎮在縣北三十里即舊雲陽縣

石橋鎮在縣西北四十里

臨涇鎮在縣西四十里涇水之南即漢長平觀地

永樂鎮在縣東二十里即月落鎮

魯橋鎮在縣東北四十五里

王橋鎮在縣西北五十里

冶峪鎮在縣西北六十里

回軍鎮在縣東南三十里涇河南岸今廢

孟店鎮在縣東北三十里又名靖川鎮其廢已久

百谷鎮在縣西北五十里即涇水所出之谷其廢已久

久

長街鎮在縣西北五十里即舊鼎州其廢已久

右諸鎮以便民用而雲陽石橋稱雄雲陽舊易倉

鈔販花布其利頗巨今倉鈔不行花布罕至矣石

涇陽縣志

卷之二

十六

橋舊有紅花市每五六月間賈客輻輳往來如織

今貨絕民窮惟做屋酒肆而已他鎮荒涼尤甚

社學

縣東里

在東關

敬義里

在師家巷

永豐里

在本街

縣西里

在西關

姚方里

在姚村

包方里

在新庄村

孫村里

在東甫下

賈村里

在宋村

南吳里

在鞍子頭

永樂里

在永樂鎮

侯張里

在党家橋

廣張里

在南李村

盈村里

在魯橋鎮

夏村里

在武齋村

夏鄉里

在辛管雁

其張里

在永昌屯

其澤里

在磐石方

馮王里

在油夫村

大石里

在吳村

孟店里

在故孟店鎮

管村里

在西門村

辛管里

在雲陽鎮

石橋里

在石橋鎮

李方里

在寨底村



居智里在居智村招義里在招義屯茹王里在雲陽鎮雲孟里在夜流村

河下里在長街鎮冶峪里在仙法村西鄉里在張洪村范村里在洪口堰

北畱里在東河村北趙里在臨涇鎮成村里在豐稔村中張里在張村

千夫里在千夫庄南馬里在北馬村大訓里在大訓舖北峪里在北峪街

百谷里在王喬鎮張白里在故縣村東畱里在竹蕃村西畱里在東柳村

舊志明初四十四里各設社學有屋宇以居俊秀

兵燹之後蕩然矣後有興者以俟君子故書其地

備考焉

堡寨

涇陽縣志 卷之二

和泰堡在縣東里金湯堡 靖安堡 和太堡 萬全堡

石安堡 永樂堡 保釐堡 人和堡以上八堡在孫村里

劉家堡在賈村里磨橋堡 長寧堡 窟駝堡 新安堡

以上四堡在南吳里帖齊家堡在永樂里磨子橋堡在廣張里五家堡

淡村堡 上下門家堡 木劉堡 峪口堡 第五

村堡以上六堡在盈村里邢家堡 郝家堡 永清堡 劉家

堡 符家堡以上五堡在夏村里永寧堡在敬義里永昌堡在甘張里

截鹿堡 王家堡 呂劉堡 永康堡 阜城堡

耳泉堡以上六堡在耳澤里永清堡 公義堡 蛟龍堡

茹家堡 杏林堡 以上五堡 在馮王里 文武聖堡 捷路堡

永寧堡 人和堡 以上四堡 在大石里 雲平堡 永壽堡 樓

南堡 清河堡 賓賜堡 和平堡 以上六堡 在孟店里 怡

胃堡 仁和堡 龍泉堡 保寧堡 仁鳩堡 河

澣堡 仁隆堡 以上七堡 在管村里 二相堡 十畝堡 錫

類堡 金湯堡 長明堡 以上五堡 在石橋里 保寧堡 石

巖堡 保定堡 以上三堡 在李方里 永安堡 萬壽堡 興

隆堡 金湯堡 永寧堡 蛟龍堡 以上六堡 在招義里 仁

讓堡 新興堡 以上二堡 在茹王里 衆正堡 鐵爐堡 日

涇陽縣志 卷之二

靖堡 以上三堡 在雲孟里 利和堡 力田堡 安居堡 永貞

堡 靈傑堡 守望堡 以上六堡 在河下里 郝家堡 萬年

堡 金鎖堡 永祥堡 天完堡 以上五堡 在哈峪里 太平

堡 廟后堡 信立堡 永安堡 鎮風堡 望種

堡 以上六堡 在西鄉里 岳家堡 寺前堡 龍泉堡 大觀

堡 天險堡 太安堡 太關堡 李家堡 天歛

堡 宗張堡 以上十堡 在范村里 和村堡 洪雀堡 清河

堡 萬壽堡 以上四堡 在北畱里 清涼堡 人和堡 永安

堡 以上三堡 在北趙里 長康堡 信和堡 以上二堡 在中張里 清和

堡 謙貞堡 以上二堡 在千夫里 慈衛堡 龍泉堡 人和

堡 以上三堡 在南馬里 望涇堡 盧家堡 金湯堡 王家

堡 以上四堡 在大訓里 康祥堡 金堤堡 安讓堡 永祥

堡 以上四堡 在北峪里 荆畢堡 乾元堡 武家堡 中立

堡 以上四堡 在百谷里 池陽堡 在張白里 倚涇堡 寨頭堡

永寧堡 崇寧堡 太平堡 以上五堡 在東雷里 永安堡

永寧堡 建安堡 杜飯堡 平定堡 棗平堡

萬全堡 以上七堡 在西雷里

邑之有堡蓋繁於明崇禎七年以後云其先村落

涇陽縣志 卷之二 十九

相望民風熙熙自寇起北山因於附近險處建堡以防不虞向之村落頽垣敗壁而已耒耜空懸膏腴宅草所由來也東南一望平壤無險可據築堡猶少多葺磚爲樓數十年來或資產不及中人而竭力以從有樓方起而家落者俗因重賈士民盡荒惟量地以事耘耔量力以事詩書則兵寓于農武緯于文而夜戶可不扃矣